

ЛЫВЫРГЕ КИДАН ЕНГ ЧЫЛАЛАН МАСТАР

Кугорнүмбал ялеш сочын-купшо Екатерина Ивановна Васильевам уста кидмастар семын шукынжо палат. Шошо тылзын 2-шо кечынже рүдө книгагудышто вашлиймаш эртыш. Тудын мастарлык пашаже дене палыме ляш Морко 1-ше №-ан школын 6-шо классыштыже тунемше-влак да ты посёлкыштак илыше Ирина Васильевна Григорьева толыныт ыле.

«Эн ондак носким, калпакым, кофтым पिдаш тунгалынам. Жап эртымеке, крем атым сорастараш, кагаз гыч түрлө шка-тулкым ышташ тунемынам. Нуным



сорастараш тасма гыч ыштыме пеледышым, бисерым, шерым кучылтынам. Шем тенгызыш канаш мийыдем годым

ракушко шинчамлан пернен да эше у арверым ышташ кумылем лектын. Тыге түрлө янлык, суксо, фоторамке, вуйшүдыш, үпрезинке, тарелке-шамыч шочаш тунгалыч», - каласкалыш Екатерина Ивановна.

Уста енын пашажым ончен, тунемше-влак полимер руаш, ракушко гыч тигрым, левым ышташ тунемыныт, тасма гыч пеледышым, марий орнамент дене шка-тулкым сорастареныт. Йоча-влак шуко уым пален налыныт. Вашлий-маш поро шүлыш дене эртыш.

Алена ПЕТУХОВА,
Морко рүдө книгагудын библиотекарже